



ქალაქ ფოთის მუნიციპალიტეტის საკრებულო



განკარგულება № 1/3

2021 წლის 28 იანვარი

ქალაქი ფოთი

ქალაქ ფოთის მუნიციპალიტეტსა და ფიზიკური პირი ნათელა ღვინჯილიას შორის, 2020 წლის 28 იანვარს გაფორმებული, №3 სარგებლობის ხელშეკრულების საფუძველზე გარე ვაჭრობის უფლების მიზნით, სადღესასწაულო დღეების განსაზღვრის შესახებ

ქალაქ ფოთის მუნიციპალიტეტსა და ფიზიკური პირი ნათელა ღვინჯილიას შორის, 2020 წლის 28 იანვარს გაფორმებული, №3 სარგებლობის ხელშეკრულების საფუძველზე ფიზიკური პირი ნათელა ღვინჯილიას (ელექტრონულ აუქციონში გამარჯვებული) იჯარის ფორმით, 10 (ათი) წლის ვადით სარგებლობაში გადაცემული აქვს ქალაქ ფოთის მუნიციპალიტეტის საკუთრებაში არსებული, ქალაქ ფოთში, შოთა მეგრელიშვილის სანაპიროზე მდებარე 581.00 კვ.მ. არასასოფლო-სამეურნეო დანიშნულების მიწის ნაკვეთი - პარკირების საერთო ადგილი (მიწის (უძრავი ქონების) საკადასტრო კოდი 04.02.15.041).

ქალაქ ფოთის მუნიციპალიტეტის საკრებულოს 2019 წლის 25 დეკემბრის, №29/102 განკარგულების დანართი №1-ით დამტკიცებული სააუქციონო პირობებისა და ზემოაღნიშნული ხელშეკრულების მე-6 მუხლის 6.4. პუნქტის „ბ.თ“ ქვეპუნქტის შესაბამისად, აუქციონში გამარჯვებულს გარე ვაჭრობის უფლება ექნება ქალაქ ფოთის მუნიციპალიტეტის საკრებულოს მიერ დადგენილ სადღესასწაულო დღეებში.

ქალაქ ფოთის მუნიციპალიტეტის ტერიტორიაზე გარე ვაჭრობის რეგულირების წესი დამტკიცებულია „ქალაქ ფოთის მუნიციპალიტეტის ტერიტორიაზე გარე ვაჭრობის რეგულირების შესახებ“ ქალაქ ფოთის მუნიციპალიტეტის საკრებულოს, 2017 წლის 30 მარტის, №8/8 დადგენილებით.

ქალაქ ფოთის მუნიციპალიტეტის მერს, 2020 წლის 18 სექტემბრის განცხადებით მომართა ფიზიკური პირის ნათელა ღვინჯილიას წარმომადგენელმა რონა ბუბუტიშვილმა, ქალაქ ფოთის მუნიციპალიტეტსა და ფიზიკური პირი ნათელა ღვინჯილიას შორის, 2020 წლის 28 იანვარს გაფორმებული, №3 სარგებლობის ხელშეკრულების 6.4. პუნქტის „ბ.თ“ ქვეპუნქტის შესაბამისად გარე ვაჭრობის უფლების მიზნით, სადღესასწაულო დღეების განსაზღვრასთან დაკავშირებით.

ამდენად, მიზანშეწონილია ყოველი წლის 25 დეკემბრიდან 31 დეკემბრის ჩათვლით პერიოდი, 05 იანვარი, 06 იანვარი, 10 იანვარი, 11 იანვარი, 12 იანვარი, 13 იანვარი (საახალწლო და საშობაო სადღესასწაულო დღეები), წინასააღდგომო კვირა, 25 მაისი (საქართველოს დამოუკიდებლობის დღის წინა დღე), 26 აგვისტო და 27 აგვისტო (ყოვლადწმინდა ღვთისმშობლის მიძინების დღის (მარიამობა) წინა დღეები), 21 ნოემბერი და 22 ნოემბერი (გიორგობის დღის წინა დღეები) განისაზღვროს ქალაქ ფოთის მუნიციპალიტეტსა და ფიზიკური პირი ნათელა ღვინჯილიას შორის, 2020 წლის 28 იანვარს გაფორმებული,

№3 სარგებლობის ხელშეკრულებით გათვალისწინებულ სადღესასწაულო დღეებად და ზემოხსენებულ დღეებში ელექტრონულ აუქციონში გამარჯვებულ ფიზიკურ პირს ნათელა ღვინჯილიას მიეცეს გარე ვაჭრობის უფლება, ხელშეკრულების მე-6 მუხლის 6.4 პუნქტის „ბ.ე“ ქვეპუნქტით გათვალისწინებული მუნიციპალური ან/და საქალაქო სამარშუტო მიკროავტობუსების პარკირებისათვის განკუთვნილი მიწის ნაკვეთის (საიჯარო მიწის ნაკვეთის 2/3 ნაწილი) გარდა.

აღნიშნულიდან გამომდინარე:

მუხლი 1.

ყოველი წლის 25 დეკემბრიდან 31 დეკემბრის ჩათვლით პერიოდი, 05 იანვარი, 06 იანვარი, 10 იანვარი, 11 იანვარი, 12 იანვარი, 13 იანვარი (საახალწლო და საშობაო სადღესასწაულო დღეები), წინასააღდგომო კვირა, 25 მაისი (საქართველოს დამოუკიდებლობის დღის წინა დღე), 26 აგვისტო და 27 აგვისტო (ყოვლადწმინდა ღვთისმშობლის მიძინების დღის (მარიამობა) წინა დღეები), 21 ნოემბერი და 22 ნოემბერი (გიორგობის დღის წინა დღეები) განისაზღვროს ქალაქ ფოთის მუნიციპალიტეტსა და ფიზიკური პირი ნათელა ღვინჯილიას შორის, 2020 წლის 28 იანვარს გაფორმებული, №3 სარგებლობის ხელშეკრულებით გათვალისწინებულ სადღესასწაულო დღეებად და ზემოხსენებულ დღეებში ელექტრონულ აუქციონში გამარჯვებულ ფიზიკურ პირს ნათელა ღვინჯილიას მიეცეს გარე ვაჭრობის უფლება, ხელშეკრულების მე-6 მუხლის 6.4 პუნქტის „ბ.ე“ ქვეპუნქტით გათვალისწინებული მუნიციპალური ან/და საქალაქო სამარშუტო მიკროავტობუსების პარკირებისათვის განკუთვნილი მიწის ნაკვეთის (საიჯარო მიწის ნაკვეთის 2/3 ნაწილი) გარდა.

მუხლი 2.

ფიზიკური პირი ნათელა ღვინჯილია ვალდებულია დაიცვას „იზოლაციისა და კარანტინის წესების დამტკიცების შესახებ“ საქართველოს მთავრობის, 2020 წლის 23 მაისის, №322 დადგენილება და ახალი კორონავირუსის (COVID-19) გავრცელების პრევენციის მიზნით, გამოცემული სამართლებრივი აქტები და რეკომენდაციები.

მუხლი 3.

ფიზიკური პირი ნათელა ღვინჯილია ვალდებულია გარე ვაჭრობა განახორციელოს „ქალაქ ფოთის მუნიციპალიტეტის ტერიტორიაზე გარე ვაჭრობის რეგულირების შესახებ“ ქალაქ ფოთის მუნიციპალიტეტის საკრებულოს, 2017 წლის 30 მარტის, №8/8 დადგენილების და მოქმედი სამართლებრივი აქტების მოთხოვნათა დაცვით.

მუხლი 4.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

მუხლი 5.

განკარგულება ძალაშია 2021 წლის 28 იანვრიდან.

საკრებულოს თავმჯდომარე



ბექა ვაჭარაძე